



Universitätsbibliothek Paderborn

**Stephani Balvzii Miscellaneorvm Liber ... Hoc est,
Collectio Vetervm monumentorum, quæ hactenus
latuerant in varijs codicibus ac bibliothecis**

Baluze, Etienne

Parisiis, 1679

Brevis de consuetudine sancti Donati.

urn:nbn:de:hbz:466:1-14735

158 MISCELLANEO RVM
aliquæ querimoniæ pro ipsis rebus adversùs eum
ortæ fuerint, quæ absque gravi dispendio nequeant
diffiniri, jubemus ut usque in nostram suspendantur
præsentiam, quatenus ibi finitivam accipiant sen-
tentiam. Et quicunque contra hoc nostræ immuni-
tatis præceptum aliquid contradicere vel violare
præsumpserit, sciat se sicut & alias res emunctorias
compositurum & emendaturum. Et ut hoc nostræ
auctoritatis præceptum absque alicujus mutilatione
plenissimam obtineat firmatatem perennis tempo-
ribus, manu propria subter illud firmavimus, &
anuli nostri impressione insigniri præcepimus; &
propter quorundam malorum hominum calliditates
illud etiam inserere jussimus, ut si aliquis nostri facti
refragator in aliquo repertus fuerit, mox pena
quam lex Theodosij præcipit, id est triginta libris
auri esse multandum, atque chartario nostro substi-
tuendum, & absque ulla minoratione Missis nostris
persolvendum. Sighum Ludovici. Datum 111.
Idus Augusti anno incarnationis dominicæ DCCXCIV.
Indictione XI. anno Christo propitio regni Ludo-
vici Regis IV. Actum Nicias castello in Dei nomi-
ne feliciter. Amen.

De consuetudine sancti Donati.

BRevis vel computatio de consuetudine quam
Episcopi Gratianopolitanæ urbis Ysaac, Al-
cherius, Isarnus, Vimbertus habuerunt vel tenu-
runt seu fecerunt in Ecclesia sancti Donati confessio-
ris, quæ est in comitatu Viennensi sita & in vico
Iovinziaco. Hi Pontifices congruo tempore in illa
Ecclesia ut voluerunt ordinaverunt Clericos, dede-
runt paenitentiam peccatoribus, eiciendo de Eccle-
sia & recipiendo, benedixerunt ibi chrisma in cena
Domini. Et in parasceven est consuetudo ut ibi

veniant viri religiosi & potentes, & justi & peccatores, audire divinum officium. Et est insuper alia consuetudo in prædicta Ecclesia vel in supradicto loco, ut in suo cimiterio nobiles & potentes, divites & pauperes, sine ulla contradictione sepeliant, & numularios id est monetarios habeant. Has consuetudines, ut diximus, in vico Iovinziaco supradicti Episcopi & Canonici sancti Donati habuerunt & tenuerunt firmiter per donum Regis & per consensum Episcoporum seu laicorum nobilium illius regionis.

FORMOSI PAPÆ

*Epistola ad Bernonem Abbatem Gigniacensem
de privilegiis ejusdem monasterij.*

F Ormosus servus servorum Dei Bernoni reli-
gioſo ac venerabili Abbati cœnobitarum fito Anno Christi
896.
territorio Lugdunensi, quod in honore beati Petri
Apostolorum principis constructum esse dinoscitur
in loco qui Gigniacus perhibetur, ac in eodem ve-
nerabili monasterio in perpetuum. Convenit apo-
stolico moderamini pia religione pollutibus beni-
vola compassione succurrere & poscentium animis
alaci devotione impertiri assensum. Ex hoc enim
lucri potissimum pretium à conditore omnium Do-
mino promeremur, dum venerabilia loca opportunè
ordinata ad meliorem fuerint sine dubio statum per-
ducta. Igitur properans ipse Berno venerabilis Ab-
bas ad beatorum Apostolorum limina, nostramque
adiens apostolicam præsentiam, retulisti nobis ip-
sum memoratum cœnobium à te quoque consobri-
no nomine Laifino de propriis rebus vestris duntaxat
in honore sancti Petri constructum atque dicatum